



**VANJSKOTRGOVINSKA KOMORA BOSNE I HERCEGOVINE
СПОЉНОТРГОВИНСКА КОМОРА БОСНЕ И ХЕРЦЕГОВИНЕ
SEKTOR ZA TRANSPORT I KOMUNIKACIJE**

UDRUŽENJE MEĐUNARODNIH CESTOVNIH PRIJEVOZNIKA TERETA (AIRH)

Branislava Đurđeva 10 - 71000 SARAJEVO Tel: 033-566-170, Fax: 566-176

E-mail: zijad.sinanovic@komorabih.ba www.komorabih.ba

- Odbor Udruženja -

Broj: 03-50-50-3/25

Sarajevo, 24.01.2025.godine

PRILOG 110.2.1.

Na osnovu člana 18. Pravilnika o organizaciji i radu Udruženja međunarodnih cestovnih prijevoznika tereta, Odbor Udruženja međunarodnih cestovnih prijevoznika tereta na svojoj 110. sjednici, održanoj dana 21.10.2025.godine, kojoj su prisustvovali i aktivno učestvovali u njenom radu predstavnici Ministarstva komunikacija i transporta Bosne i Hercegovine i predstavnik Federalnog ministarstva prometa i komunikacija, razmatrajući predloženi Nacrt zakona o izmjenama i dopunama Zakona o radnom vremenu, obaveznim odmorima mobilnih radnika i uređajima za evidentiranje u cestovnom prijevozu, jednoglasno je usvojio sljedeći:

ZAKLJUČAK

I

1. Odbor Udruženja je jedinstven u stavu te predlaže da se iz važećeg Zakona, kao iz predloženih izmjena i dopuna Zakona, brišu sve kaznene odredbe za pravno lice, odgovorno lice u pravnom licu ili fizičko lice, a za prekršaje za koje je isključivo odgovoran vozač.
2. Odbor Udruženja je jedinstven u stavu da se u cijelosti brišu predložene odredbe u članu 6. Nacrta zakona o izmjenama i dopunama zakona, te predlaže da novi član 6. Nacrta glasi:
"Član 6.
U članu 12. stav (7) se briše, a dosadašnji stav (8) postaje stav (7)"
3. Odbor Udruženja je jedinstven u stavu da se u cijelosti brišu predložene odredbe u članu 18. Nacrta zakona o izmjenama i dopunama zakona, te predlaže da novi član 18. Nacrta glasi:
"Član 18.
Iza člana 35. dodaje se novi član 35.a, koji glasi:
Član 35.a
(1) Novčanom kaznom u iznosu od 1000,00 do 2000,00 KM kaznit će se za prekršaj pravno lice ili fizičko lice-poduzetnik ako:
 - a) od mobilnog radnika koji radi kod više poslodavaca ne zatraži evidenciju ili izračun radnog vremena koje je mobilni radnik obavio za drugog poslodavca (član 11. stav (4));
 - b) nije osiguran ispravan rad i pravilna upotreba digitalnih tahografa i kartica vozača, odnosno nije osiguran ispravan rad analognih tahografa te pravilno korištenje tahografskih listića (član 12. stav (8));
 - c) nije izdan dovoljan broj tahografskih listića vozačima vozila opremljenih analognim tahografima, imajući u vidu činjenicu da su tahografski listići lične prirode, te uzimajući u obzir trajanje usluge i moguću potrebu za zamjenom tahografskih listića koji su oštećeni ili koje je oduzeo ovlašten službenik koji obavlja kontrolu, ne koristi tahografske listiće koji odgovaraju odobrenom uzorku i mogu se koristiti u uređaju ugrađenom u vozilu (član 12. stav (2));
 - d) ako ne obavlja redovna ispitivanja tahografa u vozilu u ovlaštenoj radionici (član 16. stav (4));
 - e) ako omogućiti da karticu radionice izdatu na tehničara koristi drugi tehničar.

(2) Novčanom kaznom u iznosu od 400,00 do 800,00 KM kaznit će se i odgovorno lice u pravnom licu za prekršaje iz stave (1) ovoga člana, ukoliko nije svojim internim aktom o radu posada zabranilo da vozači postupaju suprotno odredbama ovog zakona”.

4. Odbor Udruženja je jedinstven u stavu da se u cijelosti brišu predložene odredbe u članu 19. Nacrta zakona o izmjenama i dopunama Zakona, koje se odnose na izmjenu člana 37., te predlaže da novi član 37. iz člana 19. Nacrta glasi:

“Član 19.

Član 37. mjenjaju i glasi:

Član 37.

Novčanom kaznom u iznosu od 300,00 do 500,00 KM kaznit će se za prekršaj vozač koji postupi suprotno odredbama iz člana 8., 9., 10., 11. i 12. Zakona.”

5. Odbor Udruženja zahvaljuje prisutnim predstavnicima Ministarstva komunikacija i transporta Bosne i Hercegovine i Federalnog ministarstva prometa i komunikacija na aktivnom učešću u diskusijama, razmijevanju i pažljivom sagledavanju iznesenih argumenata na osnovu kojih su i definirane tačke ovog, jednoglasno usvojenog Zaključka.

II

Zahtjeva se od Sektora za transport i komunikacije da u skladu sa aktima Vanjskotrgovinske komore Bosne i Hercegovine, osigura dostavljanje ovog zaključka organima VTKBIH na odlučivanje, a u cilju njegovog dostavljanja Ministarstvu komunikacija i transporta Bosne i Hercegovine u sklopu Mišljenja na predloženi Nacrt zakona o izmjenama i dopunama Zakona o radnom vremenu, obaveznim odmorima mobilnih radnika i uređajima za evidentiranje u cestovnom prijevozu.

Predsjedavajući sjednicom Odbora:

Dragan Marić, predsjednik

